

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅՈՒՆ

« ԱՐԹԻԿԻ ՊԵՏԱԿԱՆ ՔՈԼԵԶ » ՊՈԱԿ

Արթիկի պետական բուհի
կառավարման խորհրդի
Նախագահ Լ.Ալեքսանյան



ԸՆԹԱՑԱԿԱՐԳ

ԴԱՍԱԽՈՍԱԿԱՆ ԵՎ ՈՒՍԱՆՈՂԱԿԱՆ ՀԱՄԱԿԱԶՄԻՑ
ՔՈԼԵԶԻ ԿՈԼԵԳԻԱԼ ԿԱՌԱՎԱՐՄԱՆ ՄԱՐՄՆԻ ԱՆԴԱՄԻ
ԱՌԱՋԱԴՐՄԱՆ ԵՎ ԸՆՏՐՈՒԹՅԱՆ

ԱՐԹԻԿ 2022թ

Ընդհանուր դրույթներ

1. Սույնով սահմանվում է Հայաստանի Հանրապետության կրթության, գիտության, մշակույթի և սպորտի նախարարության « Արթիկի պետական քոլեջ» ՊՈԱԿ-ի դասախոսական և ուսանողական համակազմից քոլեջի կոլեգիալ կառավարման մարմնի անդամ առաջադրվելու և ընտրության ընթացակարգ:
2. Կառավարման խորհրդում ընդգրկվելու համար դասախոսական համակազմից խորհրդի անդամների 20 տոկոսի չափով՝ 2 հոգի, անդամ առաջադրում է մանկավարժական խորհուրդը՝ ղեկավարվելով « Մանկավարժական խորհրդի» կանոնակարգով:
3. Կառավարման խորհրդում ընդգրկվելու համար ուսանողական համակազմից խորհրդի անդամների 25 տոկոսի չափով՝ 3 հոգի, անդամ առաջադրում է ուսանողական խորհուրդը՝ ղեկավարվելով «Ուսանողական խորհրդի» կանոնակարգով:
4. Սույն փաստաթղթի համար հիմք է հանդիսանում Արթիկի պետական քոլեջի կառավարման խորհրդի կանոնակարգը:
5. Սույն ընթացակարգում փոփոխությունները և լրացումները հաստատվում են նույն կարգով:

Կառավարման խորհրդում դասախոս- անդամ(ներ)ի առաջադրման ընթացքը

1. Ուսումնական հաստատության կառավարման խորհրդի ձևավորման կամ արդեն ձևավորված խորհրդում դասախոս-անդամի փոփոխման, առաջադրման համար տնօրենը Մանկավարժական խորհրդին է ներկայացնում սույն խորհրդի ձևավորման համար անհրաժեշտ դասախոս-անդամ(ներ)ի ներկայացման կամ արդեն ձևավորված խորհրդում դասախոս-անդամ(ներ)ի փոփոխման անհրաժեշտությունը:
2. Ուսումնական աշխատանքների գծով փոխտնօրենը ներկայացնում է Խորհրդի դասախոս-անդամ(ներ)ի թեկնածուներին՝ հաշվի առնելով վերջին(ներ)իս հասարակական ակտիվությունը, աշխատանքային պարտականությունների լիարժեք կատարումը և քոլեջի զարգացման մեջ ներդրում ունենալը:
3. Առաջադրված դասախոս-անդամ(ներ)ի թեկնածությունը դրվում է բաց քվեարկության:
4. Խորհրդի որոշմամբ հաստատվում է կառավարման խորհրդում դասախոս-անդամ(ներ)ի թեկնածությունը:
5. Խորհրդի դասախոս-անդամի փոփոխության հարցը քննարկվում է, եթե ըստ կառավարման խորհրդի կանոնակարգի, դասախոսը հրաժարական է տվել, կորցրել է քոլեջում աշխատանքը, դատապարտվել է ազատազրկման, դատարանի վճռով ճանաչվել է անգործունակ, առանց հարգելի պատճառի երեք անգամ չի մասնակցել խորհրդի

նիստերին, մահացել է: Այս դեպքում առաջադրման և ընտրության ընթացակարգը նույնն է:

6. Նիստը արձանագրվում է և որոշում ներկայացվում լիազոր մարմին:

Կառավարման խորհրդում ուսանող-անդամ(ներ)ի առաջադրման ընթացքը

1. Ուսումնական հաստատության կառավարման խորհրդի ձևավորման կամ արդեն ձևավորված խորհրդում ուսանող-անդամի փոփոխման, առաջադրման համար տնօրենը ուսանողական խորհրդին է ներկայացնում սույն խորհրդի ձևավորման համար անհրաժեշտ ուսանող-անդամ(ներ)ի ներկայացման կամ արդեն ձևավորված խորհրդում ուսանող-անդամ(ներ)ի փոփոխման անհրաժեշտությունը:
2. Ուսանողական խորհրդի նախագահը ներկայացնում է Խորհրդի ուսանող-անդամ(ներ)ի թեկնածուներին՝ հաշվի առնելով վերջիններիս հասարակական ակտիվությունը, առաջադիմությունը:
3. Առաջադրված ուսանող-անդամ(ներ)ի թեկնածությունը դրվում է բաց քվեարկության:
4. Խորհրդի որոշմամբ հաստատվում է կառավարման խորհրդում ուսանող-անդամ(ներ)ի թեկնածությունը:
5. Խորհրդի ուսանող-անդամի փոփոխության հարցը քննարկվում է, եթե ըստ կառավարման խորհրդի կանոնակարգի, ուսանողը, կորցրել է քոլեջում ուսանողի կարգավիճակը (հեռացվել է, մեկնել է ծառայության կամ ավարտել է), առանց հարգելի պատճառի երեք անգամ չի մասնակցել խորհրդի նիստերին: Այս դեպքում առաջադրման և ընտրության ընթացակարգը նույնն է:
6. Նիստը արձանագրվում է և որոշում ներկայացվում լիազոր մարմին:

